

Ukiup affaa kingulleq akit 0,9 procentimik qaffassimapput

Ukiup affaa kingulleq, juuli 2014-imiit januaari 2015-imut atuisunut akit 0,9 procentimik akitsorput, ukiup siuliani piffimmi tassani qaffariaat assigalugu.

Nioqqutissat akitsornerpaajupput: *Inuussutissat allat* (soorlu seernartog, ketshcuppi naatitanillu suppiliat) taakkunani qaffaat 2,6 procentiuvoq, *Nakorsaatit nioqqutissat* (soorlu vitaminiit iisartakkat tagiartuillunilu peqqissaaneq) 2,5 procentimik qaffattut *Nioqqutissat allat kiffartuussinerillu* (soorlu sillimmasiineq, meeqqanik paaqqinnineq imminullu paarineq) 2,3 procentimik qaffattut.

Nioqqutissaqarportaaq ataasiakkaanik akikillisunik, nioqqutissanilu akikilliliiffiunerpaapput, *Atisat isikkatigullu atukkat* -0,9 procentimik appariartut.

Nioqqutissani aalajangersimasuni akitigut allannguinerit, akit tamarmiusumik qaffannerat assigiinngitsumik sunniuteqarfigisarpaat.


Nioqqutissat akit tamarmiusumik qaffannerannut sunniuteqarnerpaasut tassaapput: *Najugarisaq* (soorlu Inigisamut akiliut, Ikummatissaq, innaallagiasq, gassi kissarlu) akimut naleqqersuut 0,46 procentpointinik sunniuteqarfigaat, *Nioqqutissat allat kiffartuussinerillu* 0,22 procentpointinik sunniuteqarput *Neqillu, neqinillu nioqqutissat* 0,06 procentpointinik sunniuteqartut.

Atuisunut akip naleqqersuutaanut tamarmiusumut ajorsiaortitsinerpaamik sunniuteqartitsisoq, nioqqutissanit *Atisanit isikkatigullu atukkanit Oqarasuaatinit allakkat nassiunnerisa akitsuutaanit* pivoq, -0,03 procentpointinik sunniuteqartoq.

Ukiumut akitsigut ineriartorneq

Atuisunut akit januaarimi 2015 1,5 procentimik qaffapput. Qaffanneq ukiumi siuliani, juuli 2014, qaffariaamut sanilliullugu qaffariaat qaffasinneruvoq. Akip tassani allannguutaa 1,4 procentiuvoq.

Atuisunut akit qaammatit aqqaneq marluk ingerlanerini qaffattarnerat procentingorlugu



Atuisunut akip naleqqersuutaa tamarmiusoq naatsorsorneqaraangat, nioqqutissat ilaasa uuttuutaat naatsorsuinerimi ilaminnit qaffasinnerusarput. Nioqqutissat assigiinngitsut akiisa ineriartornerat, soorlu issingiassat aqqatillu, allatut oqarluni pingaaruteqarnerat assigiinngilaq. Nioqqutissat aalajangersimasut ataasiakkaat uuttuusersornerat atuisunullu akip naleqqersuutaata naatsorsornerannut periaaseq qanoq innersoq www.stat.gl iserfigalugu paasisaqarfigiuk.

Januaarip aallaqqaataani 2015 atuisunut akip naleqqersuutai nutaat suliarineqarput, uuttuutit taakku 2011-mi inuit nammineq atuinerannut katitikkatut tunngaveqartitaapput.

Akit pillugit kisitsisitigut nassuiaasiaq tamarmiusoq Kalaallit Nunaanni Naatsorsueqqissaartarfiup nittartagaani www.stat.gl aamma kisitsisaataasivik bank.stat.gl-i atorlugu takuneqarsinnaavoq. Paasissutissanik annertunerusunik atorfissaqartitsisoqassaguni Naatsorsueqqissaartarfiup pisortaa Anders Blaabjerg abla@stat.gl-ikkut saaffigineqarsinnaavoq imaluunniit oqarasuaat 34 57 81 (toqqaannartoq) aqquagalugu.